

ОЛАНН

Туйыс абу да, он на и сибав...

Кольом вежонö республикаса Госсоветын нуöдисны Депутатлысь лун. Май 26 луно чинаяс ветлісны Вылыс Максаковкаö, медым тодмавны, кызди могмодöны керка кыпöдöм улö муон уна челядя семьясöс. И тыдовтчис, мый уна на мытшöд виччысьö найöс, кодыяс босьтöмабсь лэптыны ассыныс керка Шордор-2 микрорайонын.

Максаковкаса администрацияөн веськөдлысьсö вежысь Анатолий Меркурьевлөн кывъяс серти, 33 гектар вылын торйöдöма 269 му юкөн, но стрöйба лэптöны сöмын 60-ас. Падмöдö пö, мый уналаö он вермы сибавны туй абутомöс вöсна. Некемын семья весиг öтүвтöмабсь, чукöртöмабсь сьöм да асьныс яг пыр пискöдöмабсь туйсö. Содтöд на пö и участокьясöс вичмöдöны вöрсялöм-нюрсялöминьсь.

Та вöсна и унаөн оз вермыны лэптыны керкасö, öд мыйта сьöм ковамас, медым дасьтыны мусö стрöйба улö. Мукöдыс корöны вежны участоксö, но, кызди эляисны депутатъяслы, зэв пö дыр коvmö ноксыны кабаланас, да кодсюрö сөсся донтöм доньыс вузалöны мусö.

—Кута лача, водзö вылö мöдам могмöдны уна челядя семьясöс сöмын бур участокьясөн, и стрöйтчыны кутасны оз сэнi, кытчö туйыс абу либö коскöдзыд ва сулалö, — шыöдчис Сыктывкарса архитектура управле-

ниеөн зильсыяс дорö Госсоветөн веськөдлысь Надежда Дорофеева.

—Зэв сьöкыд корсьны бур мусö, öд юркарнымсö гөгöр кытшалö вöр. Öнi ми лöсьöдчам Емвалысь сетавны матö 150 участок. Сэнi муыс бурджык, но бара жö колö пискöдны туй. Республика да Россияса правительстволөн öтсöгтöг ог вермöй тайöс вöчны, сьöмыс оз тырмы, — вочавидзис управлениеөн веськөдлысь Владимир Осипов.

Туй да би нюжöдöм йылысь висьталіс республикаса стрöйтчöм, жилищно-коммунальнöй овмöс да туй вöчöм кузя министрöс вежысь Игорь Суворов. Сылөн кывъяс серти, федеральнöй программö пырöдчöм могысь кабалаясöс налөн министерствоыс ыстöма нин Москваö, но республикалы пö колö жö корсьны сьöмсö.

—Программа серти 70 прöчентсö сетö Москва, а 30-сö колö торйöдны Комилы. Медым Шордорын



вöчны туй да нюжöдны би, колö 190 миллион шайт, а республика вичмöдiс сöмын 30 миллион, — пасйис Игорь Михайлович.

Депутатъяс пыралісны уна челядя семья ордö. Анастасия да Максим Мальцевъяс быдтöны вит кагаöс, лэптöмабсь кык судтаа кыпид керка. Вöчöма сійöс Канадаса тех-

нология серти куим лунөн Татарстанысь фирма, стрöйбаыс сувтöма матö 3,2 миллион шайт. Гозъя висьталісны, мый уна мытшöд коvmöма венны мусö босьтiгас да керка лэптiгас. Но öнi пö ставыс бур.

—Карса дзескыд патера бöрад зонпоснилы танi ёна лöсьыдджык. Матын вöр, ю, и сынöдыс сöстöм — мый нöшта колö дзöлюкьяслы, медым налөн вöлі крепыд дзоньвидзалун, — нимкодпырысь висьтасисны Мальцев гозъя.

Кызд тыдовтчö, мытшöдъяс вылö видзöдтöг Шордорын олысьяс асьныс тшöтш зильöны мичмöдны-пелькöдны выль микрорайонсö: вöчöны туй, кодйöны ва визувтан канава, тшöкыда петавлöны субöтник вылö. Надзöник, но Шордор сöвмö-паськалö.

* * *

Вылыс Максаковкаö ветлöм бöрын спикер пасйис, мый талун дон вештытöг му босьтан öчередын сулалö 1.145 морт. Позьö шуны, йöзыс окогитöны стрöйтчыны, оз повны мытшöдъяс-ысь, и республикаса правительстволы колö öтсавны налы кыпöдны оланінсö.

Павел КОРОЛЁВ.

Снимокъясыс авторлөн.



АСШÖР УДЖ



Чöскыд пöжас

Тöдмасьöй: Эдуард Тийду. Чужлöма 1974 воын Казахстанын Кустанай карын. Но 2010 воын олöмыс вайöдöма Комиö. Кöрткерöсса Приозёрнöйын вöсьтöма ичöтик пекарня. Ньöти вöлөм оз во сьöлöм вылас сэнi олысьяслы карысь вайöм чорзьöм няньыс да...

Заводитöма пöжавны суткинас 50 чöвпан. Но абу кутöма тырмыны. Приозёрнöйса чöскыд пöжасыд нималöма да, сыла кутöмабсь волевлыны весиг Сыктывкарсянь...

Кольöма кад, производство водзö сöвмöма, и пекарняяс лöма дзескыд. Со и сёрнитчöма Эдуард Тийду Адзорöмса администрациякöд да ньöбöма ПМК-лысь вöвлöм канторасö...

Дерт, ёнакодь коvmöма дзоньтасьны-пелькöдчыны. Но водзö паськöдчынытö пö нимкодь. Удж вылас медалöма 15 мортöс...

Миян волан луно пачысь кыскöмабсь вöлі тонна пöжас: сьöд да еджыд нянь, кöлач, пирöг. Пöжалöны тшöтш ла-

ваш да вöчöны макарон. Весиг уна рöмаöс. Эдуард такöдiс: краскасö пö буретш сёян-юан дасьтiгөн водитчыны вöчöма, эм сертификат.

Талун Тийду ассыс пöжассö иналö Адзорöмын, Приозёрнöйын, Сыктывкарын да Эжваын, тшöтш и школа-ясö да челядьсö видзанінтасьö.

Янсöдчигөн нин юалі, а мыйын, мися, сьöкыдлуныс уджаныд. Оз пö тырмы бур пекарыс. Арталі пö да, Сыктывкарса техникумъясын сöмын



Кöрткерöс районьыс пекарь-кондитерö талун велöдчö 20 сайö морт. А диплом босьтöм бöрас пö ставныс кольччöны карö. Маөн кö пö сэтi мавтöма-а.

Колö шуны, Эдуард Тийдулөн пекарняын дисциплинаыс зэв стрöг. Уджыс абу кокни. Войся. Колö и сьöкыд мешöк кыскавны. Но и нажöткаыс абу ёна ичöт. Бур пöжасысьлы пö мынта тöлысьнас 20 сюрс шайт. Сиктад, чайта да, тайö абу этша.

Александр КУЗНЕЦОВ.

Кöрткерöс р.

Снимокъясыс авторлөн.